

# Summary of what we want your feedback on...

*Together we can recover stronger.*



## Siitia lafoga totogi

E oo atu i le 40 pasene o a tatou tupe maua (revenue) e masani ona maua mai lafoga totogi (rates). O pili (fees) ma tau e totogi (charges) mo a matou auunaga, o tupe toe faafoi mai faameaalofa (dividends), o tupe faameaalofa mai le malo, ma tupe maua mai meafai faapisinisi, o isi na auala o tupe maua a le pulega.

O le matuā faaitiitia o isi a matou puna'oa o tupe maua, lona uiga mo le 2020/2021 o le a matou faalagolago atili atu i tupe e maua mai lafoga totogi mo le faatupeina o auunaga e sili ona moomia.

### Ua matou faatūina atu se lafo

E faamalie atu, ua matou manaomia ona siitia lafoga totogi. Afai e lē faia se siitaga, o le a tatau ona matou faamuta nisi o a matou auunaga tāua. O vaega nei o le a telē se aafiaga i auunaga o le a faamuta e lē toe faaauuina, e pei o auunaga fesoasoani mo le komiuniti, o fale ma nofoaga e faaogā i meafai a le komiuniti, o suiga o le tau, tausia lelei o auala, o totogi mo tagata o loo faigaluega faakonekarate i galuega kiligi, ma atina'e mo le uunaia o le tamaoiga. Afai e lē faia se siitaga i lafoga totogi, o le a lē mafai ona matou tausia i se tulaga atoatoa mea o loo sili ona moomia e Aukilani.

E tusa foi pe siitia lafoga totogi e pei ona matou faatūina atu ai se lafo, ae moomia pea ona matou faia nisi fuafuaga ina ia telē se tupe e sefe mai, ia faatau ese atu nisi o aseta ma talosagaina nisi nonōgatupe. Peitai o le a mafai ona matou galulue faatasi ma tagata o Aukilani ina ia faatumauina pea a matou auunaga autū, fesoasoani atu i tagata lautele ina ia toe faafoisia i se tulaga lelei ma faasolo ai pea ona ausia taunuuga tuutuu mamao mo augatupulaga o loo fai mai.

Matou te faatū atu se lafo ina ia siitia le tuufaatauga o lafoga totogi (general rates) i le 3.5 pasene e pei ona muai fuafuaina, poo le 2.5 pasene. O nei filifiliga uma e lua e manaomia ai le faaitiitia o tupe faaalu, faia nisi aitalafu ma faatau ese atu nisi aseta. E moomia ona faautauta lelei le faiga o a tatou aitalafu ina ia mafai ona tatou nonōina mai tupe i lenē taimi o faigata, ae ia fua foi le tele i le tulaga e mafai ona tatou toe totogia ma ia lē avefa ma avefa mamafatū mo augatupulaga o loo fai mai.

O nei filifiliga uma e lua o le a iu ai ina faaitiitia nisi o le afaigaluega tumau a le pulega, faato'alaiti tagata e faaigaluega i soo se vaega o Aukilani, ma tolopo fuafuaga a le pulega mo le ausia o nisi o ana fuafuaga autū faataatitia.

→ SEE FEEDBACK FORM, QUESTION 1.

## Fuafuaga mo le tolopoina o lafoga totogi (rates) mo tagata totogi lafoga ua matuā afaina ona o le COVID-19

Ua fesaga'ia e le toatele o tagata totogi lafoga to'atugā tau tupe talu ai le COVID-19.

Matou te faatū atu se lafo ina ia fesoasoani i na tagata totogi lafoga, e ala i le avatu i ai o se filifiliga pe mananao e faataatia ese le totogia o a latou lafoga totogi mo le tausaga fou, se'i faato'ā totogi i le tausaga i ona tua atu.

O tagata totogi lafoga na umia o latou fale a'o lei oo i le aso 26 Mati (ina ua amata le Lapataiga 4), o loo fesagai ma to'atugā tau tupe i le taimi nei, ae o loo fetau i ai i latou aiaiga o le fuafuaga o loo faatū atu ai le lafo, o le a tuu atu i ai le avanoa e apalai ai mo le tolopoina o a latou lafoga totogi seia aulia le aso 31 Tesema 2020. O le a iai se tupe e totogi mo le tolopoina o le totogia o au lafoga totogi, ina ia kava ai le tupe tului ma tau o le faatinoga o galuega.

O lenē fuafuaga e mafai ona oo lava i le \$85 miliona o le a faaitiitia mai ai i tupe o lafoga totogi o le a matou aoina mai i le tausaga fou, lona uiga e tatau ona faaeteete lo tatou soona faaaluina o tupe i meafai ma poloketi seia oo ina tatou maua le lafoga totogi lea na tolopoina.

→ SEE FEEDBACK FORM, QUESTION 2.

## Taofi le Lafoga Totogi a i Latou o loo Saunia Apitaga

O le Accommodation Provider Targeted Rate (APTR) o le lafoga e aoina mai ia i latou uma o loo saunia apitaga, ma foai atu i mataaga mo tagata asiasi mai ma faatasiga tetele e faaalu ai tupe e le Auckland Tourism, Events and Economic Development (ATEED).

E foliga mai e fai si umi o le taimi o le a iai pea faasāsāga i femalagaa'iga ma faatasitasiga tetele ona o le COVID-19, o le ala lea o lo matou faatū atu o le lafo, ina ia faaitiitia tupe e faaalu i mataaga mo tagata asiasi mai ma faatasiga tetele.

Se'iloga ua toe tatala uma faasāsāga, ona toe amata faaalu lea o nisi tupe e toe faaola mai ai le vaega o turisi.

Matou te faatū atu se lafo ina ia taofi le APTR ma meafai uma o loo ona faatupeina seia aulia le aso 31 Mati 2021.

→ SEE FEEDBACK FORM, QUESTION 3.